

BEASAINGO UDALA

Dirulaguntza deia: MERKATARITZA SEKTOREA BIZIBERRITZEKO DIRULAGUNTZAK EMATEKO OINARRIAK. 2021 URTEA

Argitara ematen da deialdiaren laburpena dirulaguntzei buruzko azaroaren 17ko 38/2003 Lege Orokorrak 17.3.b eta 20.8.a artikuluetan ezarritakoari jarraituz. Testu osoa Dirulaguntzen Datutegi Nazionalen kontsulta daiteke: (<http://www.pap.minhap.gob.es/bdnstrans>).

1. Dirulaguntzaren xedea.

Oinarri hauen helburua merkataritza sektorea biziberritzea da, hutsik dauden lokalak martxan jartzeko laguntzak emanez eta eskualdatzen denean negozioen jarraipena bultzatuz. Oinarri hauen xedea merkataritza jardueraren bat lokal hutsu batean abian jarri edo martxan dagoen negozioa eskualdatu nahi duen pertsonak bete behar dituen baldintzak eta betekizunak zehaztea da.

Horretarako lehentasuna izango dute Jose Migel Iturriotz kalean dauden lokalek eta negozioek, kontuan izanik:

1. Merkataritza Biziberritzeko plan berezia.
2. Lokal hutsen kopurua kaleka.
3. Udalak merkataritza sustatzeko duen interesa eta batez ere Jose Migel Iturriotz kaleko merkataritza, izan ere, gaur egun ez baitago oso aktibo arestian aipatutako ikuspuntua kontuan harturik. Iturriotz kaleko lokaletarako eskaeren kopuruak esleitutako kreditua gainditzen badu, dirulaguntzaren onuradunen artean hainbanatuko da.

2. Dirulaguntza eskatzeko bete behar diren baldintzak

A. ORAINDIK MARTXAN DAGOEN ETA EROSI EDO ALOKATU NAHI DEN NEGOZIOA ESKUALDATZEKO. BERRIZ ENPRESA

Beasaingo enpesen transmisioak lagundu eta merkataritzako eremuak erakargarri eta atseginagoak egiteko Eusko Jaurlaritzak BERRIZ ENPRESA garatu du.

Berriz enpresa programa enpresen eskualdaketa bat eman eta Beasaingo negozio baten ardura hartu nahi duten pertsonen laguntza teknikoak emateko baldintzak arautzen dituen programa da.

Baldintzak:

- a) Lokalen kokapena eta ezar daitezkeen jarduerak.

Negozioak Beasaingo udalerriko merkataritza-eremuan kokatuta egon behar du. Sektore edo jardun hauetakoren batekin lotura duten jarduerak ezarri ahal izango dira lokal horietan: txikizkako merkataritza, pertsonen zuzendutako enpresak eta merkataritza aldetik udalerrira suspertzen lagunduko duten bestelako proiektuak.

- b) Martxan dagoen negozioa hartu nahi duten pertsona ekintzaileak.

Kasu honetan Merkataritza-establezimendua edo negozioaren lokala hartu nahi duten sustatzaileek Eusko Jaurlaritzaren BERRIZ-ENPRESA enpresa-jarraipenerako programan parte hartu beharko dute eta bertan zehaztutako baldintzak bete.

Titularrek onespena emanda, BERRIZ ENPRESA (Eusko Jaurlaritzak sustatutako programa Merkataritza Bazkundearekin elkarlanean) programaren babesean negozioaren transmisioa gauzatu duten Beasaingo negozioek transmisioa egiteko laguntza teknikoak izango dute.

- c) Betebeharreko baldintzak.

Negozio horrekin jarraitu nahi duten ekintzaileek egunean izan beharko dituzte Administrazio publikoekiko zerga- betebeharrak eta Gizarte Segurantzakikoak.

- d) Berriz Enpresa programan parte hartzea. Udalaren dirulaguntza.

Behin BERRIZ ENPRESA programaren babespean transmisioa egiten denean, jarduera burutuko den espazioa alokatu edo erosi egin daiteke.

Jarduera garatuko duenak establezimendua alokatuz gero, gehienez lehen hiru urteetako alokairu-gastuak diruz ordainduko zaizkio, betiere hurrengo ekitaldietako aurrekontuan hitzartutako kopuruak

jasotzen badira.

B. HUTSIK DAGOEN LOKALA ALOKATZEKO DIRULAGUNTZAK.

Baldintzak:

a) Aplikazio-eremua eta dirulaguntza motak.

Negozia Beasainen egon behar da. Sektore edo jardun hauetakoren batekin lotura duten jarduerak ezarri ahal izango dira lokal horietan: txikizkako merkataritza, pertsonen zuzendutako enpresak eta merkataritza aldetik gunea suspertzen lagunduko duten bestelako proiektuak.

Dirulaguntza jasotzen duen titularrak nahitaez erabili beharko du lokala aurkeztutako proiekturako, eta ezin izango du lokala beste jarduera mota baterako erabili.

b) Lokal huts baten ardura hartu nahi duten ekintzaileak.

Bere jarduera ekonomikoa Beasaingo lokal hutsen batean bat hasi nahi duten pertsona fisiko edo juridiko guztientzat izango da deialdia, interesatuaren bizilekua edozein dela ere.

c) Aurkeztu beharreko dokumentuak

Jarduera garatzeko lokal hutsak berreskuratzen dituzten ekintzaileek 6.artikuluari adierazitako dokumentuak aurkeztu beharko dituzte.

d) Dirulaguntzak esleitzeko irizpideak

Udalak ondorengo balorazioen arabera esleitzeko ditu dirulaguntzak:

- Originaltasuna eta berrikuntza gehienez 10 puntu.

1. Kontuan hartuko da jarduera burutzen den gunean ezaugarri berdineko merkataritza-jarduerarik dagoen.

2. Establezimenduak teknologia berrien eta alderdi berritzaileen alde egin duen apustua.

3. Proiektuaren harremana, Beasaingo nortasunarekin eta bere kulturarekin. Udalerriari, Beasaingo azokei, merkataritza-sareari eta abarri egindako ekarpena.

- Sortutako lanpostuak, gehienez ere 10 puntu.

Proiektuan zenbat lanpostu sortu diren hartuko da kontuan. Sortuko den lanpostu bakoitzeko puntu bat emango da, gehienez ere 5 puntu izango dira.

C. HUTSIK DAGOEN LOKALA EROSTEKO DIRULAGUNTZAK.

Hutsik dagoen lokala erosteko dirulaguntzak jasotzeko baldintzak, hutsik dagoen lokala alokatzeko jarritako baldintzen berdinak dira, dirulaguntzaren zenbatekoa bakarrik aldatuko da.

3. Dirulaguntzaren zenbatekoa

A. ORAINDIK MARTXAN DAGOEN ETA EROSI EDO ALOKATU NAHI DEN NEGOZIOA ESKUALDATZEKO. BERRIZ ENPRESA

- Lehenengo urtean alokairu gastuaren %50, gehienez ere 300€ hilean.
- Bigarren eta hirugarren urtean alokairu gastuaren %40, gehienez ere 200€ hilean. Horretarako, ekitaldi ekonomiko bakoitzeko abenduaren 15a baino lehen, urte horri dagozkion fakturak aurkeztu beharko ditu

Dirulaguntzaren zenbatekoa kalkulatzeko oinarria, alokairu gastuei bakarrik dagokiena izango da (BEZa eta bestelako zerga eta tasen ordainketa eta atxikipenak kanpo utzita) eta ez dira lokalaren erabilerari lotuak egon daitezkeen bestelako gastuak kontuan hartuko (komunitate gastuak, ura eta argindarraren gastuak etab.)

Establezimendua erosiz gero, dirulaguntza Katastroko balioaren %4 izango da, gehienez ere 2.000€

B. HUTSIK DAGOEN LOKALA ALOKATZEKO DIRULAGUNTZAK.

Dirulaguntzak eskuratzeko gutxienez hiru urteko iraupena izan behar du alokatze-kontratuak. Gehienez ere lehenengo hiru urteko alokairu gastuak lagunduko dira:

Lehenengo urtean alokairu gastuaren %50, gehienez ere 300€ hilean.

Bigarren eta hirugarren urtean urtean alokairu gastuaren %40, gehienez ere 200€ hilean.

Dirulaguntzaren zenbatekoa kalkulatzeko oinarria, alokairu gastuei bakarrik dagokiena izango da (BEZa eta bestelako zerga eta tasen ordainketa eta atxikipenak kanpo utzita) eta ez dira lokalaren erabilerari lotuak egon daitezkeen bestelako gastuak kontuan hartuko (komunitate gastuak, ura eta arindarraren gastuak etab.)

Udalaren deialdi bakoitzean onartutako dirulaguntza, gehienez ere 12 hilabeteko alokairu gastuei dagokiena da.

Hurrengo bi urtetan dirulaguntza jaso ahal izateko, urtero azaroan eskabidea eta dokumentuak (proiektua izan ezik) aurkeztu beharko dira, eta urterokoen zenbatekoa, berriz, goian adierazitakoa izango da.

- C. HUTSIK DAGOEN LOKALA EROSTEKO DIRULAGUNTZAK.
Dirulaguntza katastro-balioaren %4, gehienez ere, 2.000€.

4. Eskaerak non eta noiz aurkeztu

-Epea:

Oinarriak BDNSra bidaliko dira, eta GAOn argitaratu eta hurrengo egunetik aurrera eskabideak aurkeztu ahal izango dira eta horiek aurkezteko epea 2021-10-30ean amaituko da.

-Modua:

Dirulaguntza eskatzen duten ekintzaileek eskaera orria aurkeztu beharko dute, behar bezala beteta, jarraian adierazten diren agiri guztiekin batera, Beasaingo Udalaren erregistro elektronikoen bidez, ahal izanez gero: [http:// www.beasain.eus/es/bulego-birtuala](http://www.beasain.eus/es/bulego-birtuala), edo Udalaren erregistroan, I. eranskineko ereduaren arabera.